

**GARISPANDUAN bagi Transport Operators
Keluar dan Masuk Negara Brunei Darussalam
Semasa Situasi COVID-19**

1. Transport Operators, termasuk juga pekerja yang bertugas, adalah syarikat-syarikat perniagaan dan pengangkutan yang bertanggungjawab dalam mengangkut dan menghantar barangan kepunyaan syarikat-syarikat yang berdaftar, menggunakan kenderaan komersil berdaftar yang bersesuaian.
2. Transport Operators yang berdaftar di Negara Brunei Darussalam, Sabah dan Sarawak hendaklah mematuhi garispanduan-garispanduan yang dikeluarkan oleh Kementerian Kesihatan dan pihak-pihak berkuasa termasuk juga yang digariskan dalam dokumen ini. Mana-mana syarikat yang didapati melanggar garispanduan ini, maka ianya adalah menjadi satu kesalahan di bawah Akta Penyakit Berjangkit Penggal 204 dan syarikat berkenaan boleh dikenakan denda. Syariakt berkenaan juga akan diarahkan untuk menjalankan Perintah Isolation, yang mana kos-kos ujian swabbing serta Isolation akan ditanggung sepenuhnya oleh syarikat tersebut.
3. Transport Operators yang berdaftar di Negara Brunei Darussalam hendaklah memohon untuk mendapatkan kebenaran keluar negeri terlebih dahulu daripada Jabatan Perdana Menteri sebelum membuat perjalanan. Permohonan keluar negeri perlu dihadapkan sekurang-kurangnya tiga (3) hari bekerja sebelum tarikh keluar negeri.
4. Transport Operators yang berdaftar di Negara Brunei Darussalam, Sabah dan Sarawak perlu menghadapkan Job Order Sheet yang telah dilengkapkan bagi setiap perjalanan di pos-pos kawalan yang berkenaan.
5. Transport Operators hanya dibenarkan untuk mengangkut barangan terus dari / ke tempat penghantaran yang ditentukan seperti yang disenaraikan dalam *Job Order Sheet* tanpa transit atau berhenti.
6. Sebaik-baiknya, syarikat-syarikat adalah dinasihati untuk mengambil / menghantar barang di Kawasan Pos Kawalan (bagi tujuan *Checkpoint Exchange*) atau membuat pengambilan / penghantaran menggunakan kemudahan *Inland Container Depot* yang diluluskan.
7. Transport Operators akan diberikan alat pengesan untuk pihak-pihak berkuasa memantau memantau pergerakan dan keberadaan syarikat semasa bertugas, dan syarikat adalah dikehendaki untuk memastikan telefon bimbit yang dipautkan dengan alat pengesan sentiasa bersambung dengan signal, sama ada menggunakan talian berdaftar Brunei atau Malaysia.

8. Sebagai langkah berjaga-jaga, syarikat-syarikat adalah dikehendaki menjalani proses pemeriksaan suhu masuk secara sistematik di pos kawalan yang berkaitan. Mana-mana individu yang menunjukkan simptom dan / atau pendedahan kepada COVID-19 akan ditegah daripada masuk ke Negara Brunei Darussalam.
9. Transport Operators adalah dikehendaki untuk mengemas kini status kesihatan mereka setiap hari selama 14 hari selepas perjalanan di aplikasi healthinfo.gov.bn. Syarikat-syarikat akan dikenakan hukuman sekiranya gagal mengemaskinikan status kesihatan seperti yang dipersyaratkan.
10. Pengimportan, transit dan eksport semua barang, harus mematuhi undang-undang dan peraturan yang dikuatkuasakan oleh pihak Kerajaan.
11. Semua barang bukan berbentuk *perishable goods* yang dibawa masuk ke Negara Brunei Darussalam wajib dikuarantin di premis syarikat selama 72 jam (3 hari) sebelum diedarkan semula kepada pelanggan.

Syarat-Syarat bagi Syarikat Perniagaan dan Pengangkutan yang Berdaftar di Negara Brunei Darussalam

12. Transport Operators hendaklah memohon kebenaran keluar negeri terlebih dahulu daripada Jabatan Perdana Menteri sebelum membuat perjalanan. Permohonan keluar negeri perlu dihadapkan sekurang-kurangnya tiga (3) hari bekerja sebelum tarikh keluar negeri.
13. Transport Operators perlu menghadapkan Job Order Sheet yang telah dilengkapkan bagi setiap perjalanan di pos-pos kawalan yang berkenaan.
14. Kenderaan dan pemandunya mesti didaftarkan dengan Sistem Keluar / Masuk Kenderaan (VES) Negara Brunei Darussalam.
15. Transport Operators hanya dibenarkan untuk mengangkut barangan terus dari / ke tempat penghantaran yang ditentukan di Sabah, Sarawak atau Labuan seperti yang disenaraikan dalam *Job Order Sheet* tanpa transit atau berhenti.
16. Sebaik-baiknya, syarikat-syarikat adalah dinasihati untuk mengambil / menghantar barang di Kawasan Pos Kawalan (bagi tujuan *Checkpoint Exchange*) atau membuat pengambilan / penghantaran menggunakan kemudahan *Inland Container Depot* yang diluluskan.
17. Syarikat-syarikat adalah diberikan had masa bagi setiap perjalanan seperti berikut:

Pos Kawalan	Had Masa
Sungai Tujoh	Tidak melebihi 5 jam
Labu	Tidak melebihi 5 jam
Ujung Jalan	Tidak melebihi 3 jam
Kuala Lurah	Tidak melebihi 3 jam
Terminal Feri Serasa	Tertakluk kepada jadual feri

18. Transport Operators perlu mematuhi had masa yang ditetapkan dan kembali ke Negara Brunei Darussalam pada hari yang sama.
19. Semua barang bukan berbentuk *perishable goods* yang dibawa masuk ke Negara Brunei Darussalam wajib dikuarantin di premis syarikat selama 72 jam (3 hari) sebelum diedarkan semula kepada pelanggan.
20. Transport Operators adalah dikehendaki untuk mengemas kini status kesihatan mereka setiap hari selama 14 hari selepas perjalanan mereka di aplikasi healthinfo.gov.bn. Syarikat-syarikat akan dikenakan hukuman sekiranya gagal mengemaskinikan status kesihatan seperti yang dipersyaratkan.

Syarat-Syarat bagi Syarikat Perniagaan dan Pengangkutan yang Berdaftar di Malaysia

21. Transport Operators yang berhasrat untuk masuk ke Negara Brunei Darussalam bagi tujuan penghantaran barangan dan transit **tidak memerlukan kebenaran daripada Jabatan Perdana Menteri.**
22. Transport Operators perlu menghadapkan Job Order Sheet yang telah dilengkapkan bagi setiap perjalanan di pos-pos kawalan yang berkenaan.
23. Kenderaan dan pemandunya mesti didaftarkan dengan Sistem Keluar / Masuk Kenderaan (VES) Negara Brunei Darussalam.
24. Syarikat-syarikat dikehendaki untuk memaparkan permit merentas sempadan bagi kenderaan yang digunakan dan memastikan kenderaan adalah dalam keadaan yang selamat untuk digunakan.
25. Bagi Transport Operators yang berdaftar di Negara Malaysia yang telah **mendapat permit untuk membawa masuk barangan keperluan 'perishable' daripada agensi-agensi Kerajaan Negara Brunei Darussalam hendaklah diiring oleh agensi-agensi Kerajaan yang berkenaan** sepanjang perjalanan dari pos kawalan ke tempat penghantaran di Negara Brunei Darussalam, dan juga sepanjang perjalanan pulang ke pos-pos kawalan yang berkenaan.
26. Manakala Transport Operators yang berdaftar di Negara Malaysia yang **membawa komoditi yang tidak memerlukan permit daripada agensi-agensi kerajaan ataupun yang bukan berbentuk 'perishable' hanya dibenarkan membuat penghantaran atau pengambilan barang di tempat-tempat pemunggahan di kawasan Inland Container Depot yang diluluskan** berdekatan dengan Pos Kawalan Imigresen Sungai Tujuh Kuala Belait dan Pos Kawalan Imigresen Kuala Lurah.
27. Transport Operators dikehendaki pulang ke Malaysia dalam hari yang sama.
28. Transport Operators yang membuat perjalanan transit melalui Negara Brunei Darussalam adalah diberikan had masa bagi setiap perjalanan dari pos-pos kawalan seperti berikut:-

Pos Kawalan	Had Masa
Sungai Tujuh ke Kuala Lurah (atau sebaliknya)	Tidak melebihi 3 jam
Sungai Tujuh ke Terminal Feri Serasa (dan sebaliknya)	Tidak melebihi 5 jam
Ujung Jalan ke Labu (dan sebaliknya)	Tidak melebihi 1 jam

29. Transport Operators ditegah daripada berhenti atau membuat sebarang persinggahan dalam perjalanan transit melalui Negara Brunei Darussalam.